

রেজিস্টার্ড নং ডি এ-১ “জাতির পিতা বঙ্গবন্ধু শেখ মুজিবুর রহমানের
জন্মশতবার্ষিকী উদ্‌যাপন সফল হোক”



বাংলাদেশ
গেজেট
অতিরিক্ত সংখ্যা
কর্তৃপক্ষ কর্তৃক প্রকাশিত

রবিবার, নভেম্বর ১৪, ২০২১

গণপ্রজাতন্ত্রী বাংলাদেশ সরকার
অর্থ মন্ত্রণালয়
আর্থিক প্রতিষ্ঠান বিভাগ
প্রজ্ঞাপন

তারিখ: ১৮ কার্তিক, ১৪২৮ বঙ্গাব্দ/০৩ নভেম্বর, ২০২১ খ্রিষ্টাব্দ।

এস,আর,ও নং ৩৩৬-আইন/ ২০২১।—বীমা আইন, ২০১০ (২০১০ সনের ১৩ নং আইন) এর ধারা ১৪৮ এ প্রদত্ত ক্ষমতাবলে, বীমা উন্নয়ন ও নিয়ন্ত্রণ কর্তৃপক্ষ, সরকারের অনুমোদনক্রমে, নিম্নরূপ প্রবিধানমালা প্রণয়ন করিল, যথা: —

১। শিরোনাম ও প্রবর্তন।—(১) এই প্রবিধানমালা বীমা এজেন্ট (নিয়োগ, নিবন্ধন ও লাইসেন্স) প্রবিধানমালা, ২০২১ নামে অভিহিত হইবে।

(২) ইহা অবিলম্বে কার্যকর হইবে।

২। সংজ্ঞা।—(১) বিষয় বা প্রসঙ্গের পরিপন্থি কোনো কিছু না থাকিলে, এই প্রবিধানমালায়,—

(ক) “অব্যাহতি আদেশ” অর্থ আইনের ধারা ১২৪ (৬) এ বর্ণিত অব্যাহতি আদেশ;

(খ) “আইন” অর্থ বীমা আইন, ২০১০ (২০১০ সনের ১৩ নং আইন);

(গ) “কর্তৃপক্ষ” অর্থ বীমা উন্নয়ন ও নিয়ন্ত্রণ কর্তৃপক্ষ আইন, ২০১০ (২০১০ সনের ১২ নং আইন) এর ধারা ৩ এর অধীন প্রতিষ্ঠিত বীমা উন্নয়ন ও নিয়ন্ত্রণ কর্তৃপক্ষ;

(ঘ) “দায়িত্বপ্রাপ্ত কর্মকর্তা” অর্থ কর্তৃপক্ষ কর্তৃক লাইসেন্স ইস্যু বা নবায়নের জন্য দায়িত্বপ্রাপ্ত কোনো কর্মকর্তা;

(১৬০২৩)

মূল্য : টাকা ২৪.০০

- (ঙ) “নিবন্ধন” অর্থ প্রবিধান ৩ এর অধীন নিবন্ধন;
- (চ) “প্রশিক্ষণ সনদ” অর্থ কর্তৃপক্ষ কর্তৃক স্বীকৃত কোনো প্রতিষ্ঠান হইতে বীমা এজেন্টদের প্রশিক্ষণ কোর্স সমাপ্তির সনদ;
- (ছ) “ফরম” অর্থ এই প্রবিধানমালার ফরম;
- (জ) “বীমাকারী” অর্থ আইনের ধারা ২ এর দফা (২৫) এ সংজ্ঞায়িত বীমাকারী;
- (ঝ) “বীমা এজেন্ট নিয়োগ” অর্থ প্রবিধান ৩ এর অধীন বীমা এজেন্ট হিসাবে কাজ করিবার নিমিত্ত বীমাকারী বা ব্রোকার কর্তৃক ১ (এক) বৎসরের জন্য অস্থায়ী নিয়োগ;
- (ঞ) “ব্রোকার” অর্থ আইনের ধারা ২ এর দফা (৩৩) এ সংজ্ঞায়িত ব্রোকার;
- (ট) “মনোনীত ব্যক্তি” অর্থ বীমাকারী বা ব্রোকার কর্তৃক বীমা এজেন্ট নিয়োগ ও নিবন্ধনের জন্য মনোনীত ব্যক্তি;
- (ঠ) “লাইসেন্স” অর্থ প্রবিধান ৫ এর অধীন ইস্যুকৃত লাইসেন্স।

(২) এই প্রবিধানমালায় যে সকল শব্দ বা অভিব্যক্তির সংজ্ঞা প্রদান করা হয় নাই, সেই সকল শব্দ বা অভিব্যক্তি বীমা আইন, ২০১০ এবং বীমা উন্নয়ন ও নিয়ন্ত্রণ কর্তৃপক্ষ আইন, ২০১০ এ যে অর্থে ব্যবহৃত হইয়াছে, সেই অর্থে ব্যবহৃত হইবে।

৩। **বীমা এজেন্ট নিয়োগ ও নিবন্ধন, ইত্যাদি।—**(১) বীমা এজেন্ট হিসাবে নিয়োগ ও নিবন্ধনের জন্য, আবেদনকারীকে ফরম-১ অনুযায়ী বীমাকারী বা ব্রোকার বরাবর আবেদন করিতে হইবে।

(২) উপ-প্রবিধান (১) এর অধীন আবেদনপত্র প্রাপ্তির পর বীমাকারী বা ব্রোকার বা তদকর্তৃক মনোনীত ব্যক্তির নিকট যদি সন্তোষজনকভাবে প্রতীয়মান হয় যে—

- (ক) উক্ত আবেদন ফরমের সকল অংশ সঠিকভাবে পূরণ করা হইয়াছে;
- (খ) প্রবিধান ৪ এর অধীন প্রযোজ্য শর্ত পূরণ করা হইয়াছে; এবং
- (গ) প্রয়োজনীয় তথ্যাদি ও কাগজাদির সত্যায়িত কপি সংযুক্ত করা হইয়াছে;

তাহা হইলে আবেদনকারীকে ফরম-২ অনুযায়ী এক বৎসরের জন্য অস্থায়ী বীমা এজেন্ট হিসাবে নিয়োগ প্রদান করিবেন।

(৩) উপ-প্রবিধান (২) এর অধীন নিয়োগ প্রদানের পর মনোনীত ব্যক্তি ফরম-৩ অনুযায়ী বীমা এজেন্টের নাম ও সংশ্লিষ্ট সকল তথ্য বীমা এজেন্ট রেজিস্টারে অন্তর্ভুক্ত করিবেন।

(৪) মনোনীত ব্যক্তি নূতন নিয়োগপ্রাপ্ত বীমা এজেন্টের জন্য একটি “বীমা এজেন্ট কোড নম্বর” বরাদ্দ করিবেন, উক্ত কোডের সহিত বীমাকারী বা ব্রোকারের নামের কোড সংযুক্ত থাকিবে।

(৫) মনোনীত ব্যক্তি নিয়োগপ্রাপ্ত এজেন্ট সনাক্তকরণের জন্য একটি “পরিচয়পত্র” ইস্যু করিবেন, যাহাতে বীমাকারীর বা ব্রোকারের মনোগ্রাম বা লোগো এবং এজেন্ট কোড নম্বর লিপিবদ্ধ থাকিবে।

(৬) মনোনীত ব্যক্তি নিয়োগপ্রাপ্ত ও নিবন্ধীকৃত বীমা এজেন্ট সংক্রান্ত তথ্যের হার্ডকপির পাশাপাশি অনলাইনে ডিজিটাল প্রযুক্তিতে সংরক্ষণ ও হালনাগাদ করিবেন এবং স্ব-স্ব ওয়েবসাইটে প্রকাশ করিবেন।

৪। **বীমা এজেন্ট নিয়োগ ও নিবন্ধনের জন্য প্রয়োজনীয় শর্ত।—**(১) বীমা এজেন্ট হিসাবে নিয়োগ ও নিবন্ধনের ক্ষেত্রে আবেদনকারীকে নিম্নোক্ত শর্ত পূরণ করিতে হইবে, যথা:—

(ক) অনূন ১৮ (আঠারো) বৎসর বয়স হইতে হইবে;

(খ) কোনো স্বীকৃত বোর্ড হইতে অনূন মাধ্যমিক স্কুল সার্টিফিকেট বা সমমানের পরীক্ষায় উত্তীর্ণ হইতে হইবে; এবং

(গ) প্রবিধান ১১ এর অধীন অযোগ্য নহেন।

(২) কোনো বীমা এজেন্ট কর্তৃক তাহার পূর্বতন বীমাকারী বা ব্রোকারের নিকট হইতে অব্যাহতি গ্রহণপূর্বক অপর কোনো বীমাকারী বা ব্রোকারের এজেন্ট হিসাবে নিয়োগ ও নিবন্ধনের ক্ষেত্রে আবেদনপত্রের সহিত নিম্নোক্ত কাগজপত্রাদি সংযুক্ত করিতে হইবে, যথা:—

(ক) বীমাকারী বা ব্রোকারের নিকট হইতে প্রাপ্ত ছাড়পত্র এবং লেনদেন নিষ্পত্তির প্রত্যয়নপত্রের সত্যায়িত কপি; এবং

(খ) কর্তৃপক্ষ কর্তৃক ইস্যুকৃত লাইসেন্সের কপি।

৫। **লাইসেন্স, ইত্যাদি।—**(১) প্রবিধান ৩ এর অধীন বীমা এজেন্ট হিসাবে নিয়োগ ও নিবন্ধনের পর যোগ্যতাসম্পন্ন একজন অস্থায়ী এজেন্টকে স্থায়ীভাবে বীমা এজেন্ট হিসাবে দায়িত্ব পালনের জন্য লাইসেন্স প্রদান করা যাইবে।

(২) বীমা এজেন্ট হিসাবে লাইসেন্স প্রাপ্তির জন্য, আবেদনকারীকে মনোনীত ব্যক্তির মাধ্যমে অস্থায়ী বীমা এজেন্ট হিসাবে নিয়োগের তারিখ হইতে এক বৎসর শেষ হইবার পরবর্তী ৩০ (ত্রিশ) দিনের মধ্যে প্রবিধান ৯ এ উল্লিখিত ফি এবং প্রয়োজনীয় তথ্য ও কাগজপত্রাদিসহ ফরম-৪ অনুযায়ী কর্তৃপক্ষের নিকট আবেদন করিতে হইবে।

(৩) উপ-প্রবিধান (২) এর অধীন আবেদনপত্র প্রাপ্তির পর কর্তৃপক্ষ বা কর্তৃপক্ষ কর্তৃক দায়িত্বপ্রাপ্ত কর্মকর্তার নিকট যদি সন্তোষজনকভাবে প্রতীয়মান হয় যে—

- (ক) উক্ত আবেদন ফরমের সকল অংশ সঠিকভাবে পূরণ করা হইয়াছে;
- (খ) প্রবিধান ৬ এর অধীন প্রযোজ্য শর্তপূরণ করা হইয়াছে;
- (গ) প্রয়োজনীয় তথ্যাদি ও কাগজাদি সংযুক্ত করা হইয়াছে; এবং
- (ঘ) বীমা এজেন্টের নিয়োগ ও নিবন্ধন যথাযথভাবে সম্পন্ন হইয়াছে;

তাহা হইলে ফরম-৫ অনুযায়ী আবেদনকারী বরাবর লাইসেন্স ইস্যু করিবে।

(৪) কর্তৃপক্ষ বা কর্তৃপক্ষ কর্তৃক দায়িত্বপ্রাপ্ত কর্মকর্তা লাইসেন্সপ্রাপ্ত বীমা এজেন্ট সংক্রান্ত তথ্যের হার্ডকপি পাশাপাশি অনলাইনে ডিজিটাল প্রযুক্তিতে সংরক্ষণ ও হালনাগাদ করিবে এবং স্ব-স্ব ওয়েবসাইটে প্রকাশ করিবে।

৬। **লাইসেন্স প্রাপ্তির জন্য প্রয়োজনীয় শর্ত।**—বীমা এজেন্ট হিসাবে লাইসেন্স প্রাপ্তির ক্ষেত্রে আবেদনকারীকে নিম্নোক্ত শর্ত পূরণ করিতে হইবে, যথা:—

- (ক) কোনো স্বীকৃত বোর্ড হইতে অনূন্য মাধ্যমিক স্কুল সার্টিফিকেট বা সমমানের পরীক্ষায় উত্তীর্ণ হইতে হইবে;
- তবে শর্ত থাকে যে, এই প্রবিধানমালা কার্যকর হইবার পূর্বে লাইসেন্সপ্রাপ্ত বীমা এজেন্টগণের ক্ষেত্রে উক্ত শর্ত প্রযোজ্য হইবে না;
- (খ) বাধ্যতামূলক ৭২ (বাহাত্তর) ঘণ্টার প্রশিক্ষণপ্রাপ্ত হইয়াছেন মর্মে প্রশিক্ষণ সনদ থাকিতে হইবে;
- (গ) প্রবিধান ১১ এর অধীন অযোগ্য নহেন;
- (ঘ) লাইফ ইন্স্যুরেন্স এজেন্টের ক্ষেত্রে—
 - (অ) ১ (এক) বৎসরে ১১ (এগারো) টি নূতন পলিসি সংগ্রহ;
 - (আ) নূতন প্রিমিয়াম সংগ্রহের বিপরীতে ২০ (বিশ) হাজার টাকার কমিশন আয়; এবং
 - (ই) বীমাকারীকে কমিশনের উপর উৎসস্থলে কর কর্তনের সনদ দাখিল করিতে হইবে;

(ঙ) নন-লাইফ ইস্যুরেন্স এজেন্টের ক্ষেত্রে—

- (অ) অস্থায়ী এজেন্ট হিসাবে কর্মকালীন ১ (এক) লক্ষ টাকার প্রিমিয়াম সংগ্রহ করিয়াছেন মর্মে সংশ্লিষ্ট বীমাকারী কর্তৃক প্রদত্ত প্রত্যয়ন; এবং
- (আ) বীমাকারী বা ব্রোকার কর্তৃক উক্ত সংগৃহীত প্রিমিয়ামের উপর প্রদত্ত কমিশনের উপর উৎসস্থলে কর কর্তনের সনদপত্র;

দাখিল করিতে হইবে।

৭। **লাইসেন্সের মেয়াদ।**—কর্তৃপক্ষ কর্তৃক ইস্যুকৃত লাইসেন্সের মেয়াদ হইবে উহা প্রদানের তারিখ হইতে ৩ (তিন) বৎসর।

৮। **লাইসেন্স নবায়ন।**—(১) লাইসেন্সের মেয়াদ উত্তীর্ণ হইবার ৩০ (ত্রিশ) কার্যদিবস পূর্বে বীমা এজেন্ট প্রবিধান ৯ এ উল্লিখিত নবায়ন ফি পরিশোধপূর্বক ফরম-৬ অনুযায়ী বীমাকারী বা ব্রোকারের মাধ্যমে কর্তৃপক্ষ বরাবর লাইসেন্স নবায়নের জন্য আবেদন করিবেন।

(২) লাইসেন্স নবায়নের ক্ষেত্রে আবেদনকারীকে নিম্নোক্ত শর্ত পূরণ করিতে হইবে, যথা:—

- (ক) বাধ্যতামূলক ৩৬ (ছত্রিশ) ঘণ্টার প্রশিক্ষণপ্রাপ্ত হইয়াছেন মর্মে প্রশিক্ষণ সনদ থাকিতে হইবে;
- (খ) লাইফ ইস্যুরেন্স এজেন্ট লাইসেন্স নবায়নের ক্ষেত্রে প্রথম বর্ষ প্রিমিয়ামের বিপরীতে দ্বিতীয় বর্ষের নবায়ন প্রিমিয়াম সংরক্ষণের হার অনূন্য ৫০% (পঞ্চাশ শতাংশ) হইতে হইবে; এবং
- (গ) প্রবিধান ১১ এর অধীন অযোগ্য নহেন।

(৩) কর্তৃপক্ষ বা দায়িত্বপ্রাপ্ত কর্মকর্তা, যদি এই মর্মে সন্তুষ্ট হয় যে, আবেদনকারী সকল শর্ত পূরণ করিয়াছেন এবং লাইসেন্স নবায়নের জন্য দাখিলকৃত আবেদনটি যথাযথ, তাহা হইলে মেয়াদ উত্তীর্ণের তারিখ হইতে পরবর্তী ৩ (তিন) বৎসর মেয়াদে ফরম-৭ অনুযায়ী লাইসেন্সটি নবায়ন করিবেন।

৯। **লাইসেন্স ও নবায়ন ফি, ইত্যাদি।**—(১) বীমা এজেন্ট হিসাবে লাইসেন্স ইস্যু ও নবায়নের ক্ষেত্রে আবেদনকারীকে তাহার আবেদনের সহিত নিম্নবর্ণিত ফি প্রদান করিতে হইবে, যথা:—

- (ক) বীমা এজেন্ট লাইসেন্সের জন্য ১৫০০ (এক হাজার পাঁচশত) টাকা;
- (খ) বীমা এজেন্ট লাইসেন্স নবায়নের জন্য ১০০০ (এক হাজার) টাকা;
- (গ) প্রত্যেক ক্ষেত্রে প্রথম ৩ (তিন) মাস পর্যন্ত বিলম্বের জন্য ১০০ (একশত) টাকা এবং পরবর্তী প্রতি মাসের জন্য ৬০০ (ছয়শত) টাকা;
- (ঘ) লাইসেন্সের প্রতিলিপির জন্য ১০০ (একশত) টাকা।

(২) উপ-প্রবিধান (১) এ উল্লিখিত ফি কর্তৃপক্ষের অনুকূলে ব্যাংক ড্রাফট, পে অর্ডার বা অনলাইন পেমেণ্টের মাধ্যমে জমা প্রদান করিতে হইবে।

১০। লাইসেন্সের প্রতিলিপি প্রদান।—কোনো বীমা এজেন্টের লাইসেন্স হারাইয়া গেলে, কোনো প্রকারে নষ্ট হইয়া গেলে বা ছিড়িয়া গেলে প্রবিধান ৯ এ উল্লিখিত প্রতিলিপির জন্য প্রযোজ্য ফি প্রদান সাপেক্ষে, কর্তৃপক্ষ বরাবর লিখিত আবেদন করিলে দায়িত্বপ্রাপ্ত কর্মকর্তা লাইসেন্সের একটি প্রতিলিপি ইস্যু করিবেন।

১১। অযোগ্যতা।—কোনো ব্যক্তি বীমা এজেন্ট হিসাবে নিয়োগ ও নিবন্ধন এবং লাইসেন্স প্রাপ্তি ও নবায়নের যোগ্য হইবেন না, যদি—

- (ক) কোনো উপযুক্ত আদালত তাকে অপকৃতিস্থ বলিয়া ঘোষণা করে;
- (গ) কোনো উপযুক্ত আদালত কর্তৃক ফৌজদারি অপরাধে দোষী সাব্যস্ত হইয়া দণ্ডপ্রাপ্ত হন এবং তাহার মুক্তিলাভের পর ২ (দুই) বৎসর অতিক্রান্ত না হয়;
- (ঘ) বীমা পলিসি সংক্রান্ত কোনো বিচারিক প্রক্রিয়ায় বা বীমা কোম্পানির অবসায়নে বা বীমাকারীর কোনো কার্যের তদন্তকালে দোষী বলিয়া প্রতীয়মান হন অথবা বীমাকারী বা বীমাগ্রহীতার স্বার্থের পরিপন্থি কোনো প্রতারণা, অসততা বা অপপ্রয়োগে অথবা প্রতারণা, অসততা বা অপপ্রয়োগের ষড়যন্ত্রে অংশগ্রহণ করিবার জন্য অভিযুক্ত হন;
- (ঙ) প্রবিধান ১২ এ বর্ণিত আচরণবিধি লঙ্ঘন করেন;
- (চ) কোনো বীমাকারী বা ব্রোকারের পরিচালনা পর্ষদের সদস্য, কর্মকর্তা বা কর্মচারী হন;
- (ছ) অন্য কোনো বীমাকারী বা ব্রোকারের অধীনে কাজে নিয়োজিত থাকেন;
- (জ) বহিষ্কৃত বা বাতিলকৃত বীমা এজেন্টের তালিকায় অন্তর্ভুক্ত হন; এবং
- (ঝ) একই বীমা শ্রেণির (লাইফ ও নন-লাইফ) এজেন্ট না হন।

১২। বীমা এজেন্টের আচরণবিধি।—এই প্রবিধানমালার অধীন নিয়োগপ্রাপ্ত প্রত্যেক এজেন্টকে নিম্নবর্ণিত আচরণবিধি মানিয়া চলিতে হইবে, যথা:—

প্রত্যেক বীমা এজেন্ট অবশ্যই—

- (ক) নিজের এবং তাহার বীমাকারী বা ব্রোকারের পরিচয় প্রদান করিবেন;
- (খ) বীমাগ্রহীতা চাহিবামাত্র তাহার পরিচয়পত্র প্রদর্শন করিবেন;
- (গ) বীমাকারী বা ব্রোকারের বীমাপণ্য বা বীমা পরিকল্পন ব্যবসায়ের নিমিত্ত সঠিক তথ্যাদি প্রচার করিবেন, এক্ষেত্রে কোনো অতিরঞ্জিত বা মিথ্যা তথ্য প্রদান করিয়া বিভ্রান্ত করিবেন না এবং বীমাগ্রহীতার নিকট কোনো সুনির্দিষ্ট বীমা পণ্য বা বীমা পরিকল্পন সুপারিশকালে বীমাগ্রহীতার প্রয়োজন বিবেচনায় রাখিবেন;
- (ঘ) বীমাপণ্য ব্যবসায়ের নিমিত্ত বীমাকারী কর্তৃক ধার্যকৃত প্রিমিয়াম প্রকাশ করিবেন;

- (ঙ) বীমাচুক্তির ক্ষেত্রে বীমাগ্রহীতার নিকট প্রস্তাব পত্রের সঠিক তথ্যের প্রকৃতি এবং মূল তথ্যাদি প্রকাশের গুরুত্ব বীমাগ্রহীতার নিকট ব্যাখ্যা করিবেন;
- (চ) বীমাগ্রহীতা যদি কোনো নৈতিকতা বিরোধী কর্মকাণ্ডে লিপ্ত থাকেন অথবা বীমাকারীর নিকট দাখিলকৃত প্রস্তাবের সহিত বীমাগ্রহীতার আয়ের অসঙ্গতি থাকে, তাহা হইলে তাৎক্ষণিকভাবে উহা বীমাকারীর নজরে আনয়ন করিবেন এবং বীমাগ্রহীতা সম্পর্কে প্রয়োজনীয় অনুসন্ধানপূর্বক অন্য কোনো গুরুত্বপূর্ণ তথ্যাদি যাহার ফলে প্রস্তাব গৃহীত হইলে বীমাকারীর অবলিখন সিদ্ধান্ত ক্ষতিগ্রস্ত হইতে পারে তাহাও বীমাকারীর নজরে আনয়ন করিবেন;
- (ছ) বীমাকারী কর্তৃক বীমার প্রস্তাব গ্রহণ বা প্রত্যাখ্যানের বিষয়ে বীমাগ্রহীতাকে লিখিতভাবে জ্ঞাত করিবেন;
- (জ) বীমা প্রস্তাব দাখিলের সময় প্রয়োজনীয় কাগজাদি বীমাগ্রহীতার নিকট হইতে গ্রহণ করিবেন এবং পরবর্তীতে বীমাকারী কর্তৃক প্রস্তাব চূড়ান্তকরণের জন্য চাহিদাকৃত অন্যান্য কাগজাদিও গ্রহণ করিবেন;
- (ঝ) পলিসি গ্রাহক বা দাবিকারক বা উপকারভোগীদের বীমাকারী কর্তৃক দাবি দ্রুত নিষ্পত্তির ক্ষেত্রে প্রয়োজনীয় সকল সহযোগিতা প্রদান করিবেন;
- (ঞ) প্রত্যেক বীমা এজেন্ট বীমাগ্রহীতাকে, ক্ষেত্রমত, নমিনি'র নাম পরিবর্তন বা ঠিকানা পরিবর্তন করিতে ইচ্ছা ব্যক্ত করিবার ক্ষেত্রে পরামর্শ প্রদান করিবেন;
- (ট) বীমাগ্রহীতার প্রিমিয়াম বীমাকারীর নির্ধারিত ব্যাংক হিসাবে জমাকরণের ক্ষেত্রে সহযোগিতা প্রদান করিবেন;
- (ঠ) বীমা এজেন্ট প্রিমিয়ামের অর্থ নগদে গ্রহণ করিতে পারিবেন না; এবং
- (ড) বীমাগ্রহীতাকে পলিসির ঝুঁকি নির্ধারণের ক্ষেত্রে বীমাকারী কর্তৃক নির্ধারিত অবলিখন চাহিদার সঠিক তথ্য প্রদান করিবেন এবং অবলিখন চাহিদা মোতাবেক বীমাগ্রহীতার সঠিক তথ্য প্রদানে সহযোগিতা করিবেন।

১৩। **তদন্ত বা পরিদর্শন।**—(১) কর্তৃপক্ষ, বীমাকারী, ব্রোকার বা বীমা এজেন্টের নিকট হইতে বীমা সংশ্লিষ্ট যে কোনো তথ্য চাহিতে পারিবে এবং বীমাকারী, ব্রোকার বা বীমা এজেন্ট কর্তৃপক্ষ কর্তৃক নির্ধারিত সময়ের মধ্যে চাহিত তথ্য প্রদান করিতে বাধ্য থাকিবেন।

(২) কর্তৃপক্ষ, প্রয়োজনে, তদন্ত বা পরিদর্শনের জন্য এক বা একাধিক তদন্তকারী কর্মকর্তা নিয়োগ করিতে পারিবে।

(৩) তদন্তকারী কর্মকর্তা—

- (ক) আইন, আইনের অধীন প্রণীত কোনো বিধিমালা বা প্রবিধানমালা এবং কর্তৃপক্ষ কর্তৃক, সময়ে সময়ে, জারীকৃত আদেশ বা নির্দেশনা বীমা এজেন্ট যথাযথভাবে পরিপালন করিতেছেন কিনা উহা যাচাই করিতে পারিবেন;

- (খ) বীমাকারী, ব্রোকার, বীমাগ্রহীতা বা বীমা এজেন্টের কার্যক্রমের সহিত সংশ্লিষ্ট কোনো ব্যক্তি কর্তৃক গুরুতর অভিযোগ দাখিলের প্রেক্ষিতে অভিযোগের সত্যতা যাচাই করিতে পারিবেন; এবং
- (গ) বীমা এজেন্ট সংশ্লিষ্ট বীমাগ্রাহকের হিসাব বই, রেকর্ড এবং প্রয়োজনীয় কাগজাদি যথাযথভাবে সংরক্ষণ করিতেছেন কিনা উহা যাচাই করিতে পারিবেন।

(৪) তদন্তকারী কর্মকর্তা তদন্ত বা পরিদর্শনের সময়ে বীমা এজেন্টের নিকট হইতে প্রাপ্ত মৌখিক বক্তব্য, বীমা এজেন্টের অধিকারভুক্ত বীমা সংশ্লিষ্ট কাগজাদি, হিসাব অথবা অন্য কোনো বক্তব্য তদন্ত বা পরিদর্শনের স্বার্থে প্রমাণক হিসাবে ব্যবহার করিতে পারিবেন।

(৫) তদন্তকারী কর্মকর্তা তদন্ত বা পরিদর্শন সমাপ্ত হইবার ৩০ (ত্রিশ) দিনের মধ্যে সংশ্লিষ্ট প্রমাণকসহ তদন্ত বা পরিদর্শন রিপোর্ট কর্তৃপক্ষের নিকট জমা প্রদান করিবেন।

(৬) বীমা এজেন্ট তাহার বিরুদ্ধে আনীত অভিযোগের সন্তোষজনক ব্যাখ্যা প্রদানে ব্যর্থ হইলে কর্তৃপক্ষ উক্ত বীমা এজেন্টকে অব্যাহতি বা শর্ত আরোপ সাপেক্ষে সংশোধনের সুযোগ প্রদান করিতে পারিবে।

(৭) বীমা এজেন্ট কর্তৃপক্ষ কর্তৃক নির্ধারিত শর্ত পালনে ব্যর্থ হইলে বা সংশোধিত না হইলে কর্তৃপক্ষ তাহার লাইসেন্স বাতিল করিতে পারিবে।

১৪। নিয়োগ ও লাইসেন্স বাতিল, ইত্যাদি।—(১) কোনো বীমা এজেন্ট প্রবিধান ১১ তে উল্লিখিত কোনো অযোগ্যতা ধারণ করিলে, বীমাকারী বা ব্রোকার উক্ত বীমা এজেন্টের নিয়োগ বাতিল করিতে পারিবে।

(২) কর্তৃপক্ষ নিম্নবর্ণিত যে কোনো কারণে বা সময়ে বীমাকারী বা ব্রোকারকে উহার কোনো বীমা এজেন্টকে অব্যাহতির নির্দেশ প্রদান করিতে পারিবে এবং বীমা এজেন্টের লাইসেন্স বাতিলের আদেশ প্রদান করিতে পারিবে, যথা:—

- (ক) আইন, আইনের অধীন প্রণীত কোনো বিধিমালা বা প্রবিধানমালা এবং কর্তৃপক্ষ কর্তৃক, সময় সময়, জারীকৃত কোনো আদেশ বা নির্দেশ লঙ্ঘন করিলে;
- (খ) প্রবিধান ১১ তে উল্লিখিত কোনো অযোগ্যতা ধারণ করিলে;
- (গ) প্রবিধান ১২ তে উল্লিখিত আচরণবিধি পরিপালনে ব্যর্থ হইলে;
- (ঘ) বীমা এজেন্ট হিসাবে নিয়োগের জন্য আবেদনে ভুল বা মিথ্যা তথ্য প্রদান করিলে অথবা অত্যাবশ্যকীয় তথ্য গোপন করিলে বা প্রদান করিতে ব্যর্থ হইলে;
- (ঙ) ফরম-৮ অনুযায়ী দাখিলকৃত প্রতিবেদনে কোনো বীমা এজেন্টের নাম না থাকিলে বা বিয়োজন করা হইলে;
- (চ) তদন্ত বা পরিদর্শনকালে বা অনুসন্ধানের ক্ষেত্রে সহায়তা না করিলে;
- (ছ) বীমা এজেন্টের কার্যপরিধির অন্তর্ভুক্ত কোনো তথ্য বীমাকারী, ব্রোকার বা কর্তৃপক্ষকে সরবরাহ করিতে ব্যর্থ হইলে; এবং
- (জ) সুনির্দিষ্ট অভিযোগের ক্ষেত্রে সন্তোষজনক জবাব প্রদান করিতে ব্যর্থ হইলে।

(৩) উপ-প্রবিধান (২) এর অধীন কর্তৃপক্ষ কর্তৃক প্রদত্ত নির্দেশ প্রাপ্তির ৩০ (ত্রিশ) দিনের মধ্যে কারণ উল্লেখপূর্বক বীমাকারী বা ব্রোকার সংশ্লিষ্ট বীমা এজেন্টকে অব্যাহতি প্রদান করিতে পারিবেন।

(৪) উপ-প্রবিধান (২) এর অধীন নির্দেশ বা আদেশ দ্বারা কোনো বীমা এজেন্ট সংস্কৃত হইলে, আদেশ প্রাপ্তির ৪৫ (পঁয়তাল্লিশ) দিনের মধ্যে রিভিউ এর (সময়, ফরম ও ফি) প্রবিধানমালা, ২০১৫ অনুযায়ী কর্তৃপক্ষের নিকট রিভিউ আবেদন করিতে পারিবেন।

(৫) উপ-প্রবিধান (৪) এর অধীন দাখিলকৃত রিভিউ আবেদন প্রাপ্তির ৩ (তিন) মাসের মধ্যে দায়িত্বপ্রাপ্ত কর্মকর্তা কর্তৃপক্ষের সিদ্ধান্ত সংশ্লিষ্ট বীমা এজেন্টকে অবহিত করিবেন।

১৫। **বীমা এজেন্টের রেজিস্টার।**—(১) প্রত্যেক বীমাকারী বা ব্রোকার তাহার নিয়োগকৃত বীমা এজেন্টের তথ্যাদি সংরক্ষণের জন্য ফরম-৩ অনুযায়ী একটি রেজিস্টার সংরক্ষণ করিবে এবং উহাতে বীমা এজেন্টদের নাম ও ঠিকানা, এজেন্ট কোড নম্বর, তাহাদের নিয়োগদানের ও অব্যাহতির তারিখ লিপিবদ্ধ থাকিবে।

(২) প্রত্যেক বীমাকারী বা ব্রোকার উপ-প্রবিধান (১) এর অধীন রক্ষিত রেজিস্টারের একটি অনুলিপি প্রতি বৎসর কর্তৃপক্ষের নিকট প্রেরণ করিবে এবং উক্ত তালিকার কোনো সংযোজন বা বিয়োজনের বিষয়ে ফরম-৮ অনুযায়ী ত্রৈমাসিক ভিত্তিতে কর্তৃপক্ষকে অবহিত করিবে।

(৩) হার্ডকপির পাশাপাশি ডিজিটাল পদ্ধতিতেও বীমা এজেন্টের রেজিস্টার সংরক্ষণ করিতে হইবে এবং উহা কর্তৃপক্ষের ডাটাবেজের সহিত সংযুক্ত থাকিবে।

১৬। **অব্যাহতি আদেশ ব্যতীত বীমা এজেন্ট নিয়োগে নিষেধাজ্ঞা।**—কোনো বীমাকারী বা ব্রোকার নিবন্ধীকৃত কোনো বীমা এজেন্টকে, তাহার পূর্বতন নিবন্ধনকারী বীমাকারী বা ব্রোকারের নিকট হইতে অব্যাহতি আদেশ ব্যতীত, তাহার অধীনে বীমা এজেন্ট হিসাবে নিয়োগ করিবে না।

১৭। **বীমা এজেন্টকে অব্যাহতির ক্ষেত্রে বিধান।**—কোনো বীমা এজেন্ট পদত্যাগের আবেদনপত্র বীমাকারী বা ব্রোকারের নিকট দাখিল করিলে এবং তাহার নিকট কোনো পাওনা না থাকিলে বীমাকারী বা ব্রোকার উক্ত আবেদনপত্র দাখিলের তারিখ হইতে ১৫ (পনেরো) দিনের মধ্যে তাহাকে অব্যাহতি আদেশ প্রদান করিবে:

তবে শর্ত থাকে যে, বীমাকারী বা ব্রোকারের নিকট বীমা এজেন্টের কোনো দেনা-পাওনা থাকিলে বীমাকারী বা ব্রোকার ৩০ (ত্রিশ) দিনের মধ্যে উহা নিষ্পত্তি করিবে।

ফরম-১

[প্রবিধান ৩ (১) দ্রষ্টব্য]

বীমা এজেন্ট নিয়োগ ও নিবন্ধনের জন্য আবেদনপত্র

২ (দুই) কপি পাসপোর্ট
সাইজের ছবি

(৯ম বা তদুর্ধ্ব গ্রেডের
গেজেটেড কর্মকর্তা/উপজেলা
চেয়ারম্যান/ওয়ার্ড কমিশনার/
ইউনিয়ন
পরিষদের চেয়ারম্যান
কর্তৃক সত্যায়িত)

তারিখ:.....

লাইফ

নন-লাইফ

বরাবর

বীমাকারী বা ব্রোকারের নাম ও ঠিকানা:

মহোদয়

১। বীমা এজেন্ট হিসাবে দায়িত্ব পালনের উদ্দেশ্যে আমাকে এক বৎসর মেয়াদে নিয়োগ ও নিবন্ধন প্রদানের জন্য অনুরোধ করিতেছি। নিয়োগ বিবেচনার জন্য এতদসঙ্গে প্রয়োজনীয় তথ্যাদি নিম্নে প্রদান করিলাম:

(ক) নাম (বাংলা ও ইংরেজিতে):.....

(খ) পিতার নাম:

(গ) মাতার নাম:.....

(ঘ) স্বামী/স্ত্রীর নাম:.....

(ঙ) জন্ম তারিখ:

(চ) আবেদনের তারিখে বয়স:

(ছ) বর্তমান ঠিকানা:

(জ) স্থায়ী ঠিকানা: গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর উপজেলা জেলা

(ঝ) জাতীয়তা:

(ঞ) ধর্ম:

(ট) প্রশিক্ষণ (যদি থাকে) :.....

(ঠ) ব্যাংকের নাম ও হিসাব নম্বর:.....

(ড) শিক্ষাগত যোগ্যতা: (৯ম বা তদুর্ধ্ব গ্রেডের গেজেটেড
কর্মকর্তা/উপজেলা চেয়ারম্যান/ওয়ার্ড কমিশনার/ইউনিয়ন পরিষদের চেয়ারম্যান কর্তৃক মূল সনদের সত্যায়িত
ফটোকপি সংযুক্ত)

(ঢ) জাতীয় পরিচয়পত্র নম্বর..... (ফটোকপি সংযুক্ত)

(গ) জন্ম নিবন্ধন সনদের নম্বর/পাসপোর্ট নম্বর (জন্ম নিবন্ধন সনদ/পাসপোর্টের ফটোকপি)

(ত) পূর্ববর্তী নিয়োগের তথ্য (যদি থাকে-ফটোকপি সংযুক্ত)

(অ) নিয়োগপত্রের নম্বর ও মেয়াদোত্তীর্ণের তারিখ:

(আ) লাইসেন্স নং ও মেয়াদোত্তীর্ণের তারিখ:

(ই) পূর্বের বীমাকারীর অব্যাহতিপত্র ও তারিখ:

২। আমি এই মর্মে ঘোষণা করিতেছি যে, উপরে প্রদত্ত তথ্যাদি ও নিম্নে দেওয়া ঘোষণা সত্য এবং নিয়োগ ও নিবন্ধনের জন্য যে আবেদন করিয়াছি তাহা কেবলমাত্র বীমা ব্যবসা অর্জন ও সংগ্রহের উদ্দেশ্যে ব্যবহৃত হইবে।

৩। পুনরায় ঘোষণা করিতেছি যে আমি-

(ক) কোনো বীমাকারী বা ব্রোকারের পরিচালনা পর্ষদের সদস্য, অফিস কর্মকর্তা বা কর্মচারী নই;

(খ) প্রবিধান ১১ অনুযায়ী অযোগ্য নই; এবং

(গ) প্রবিধান ১২ এ উল্লিখিত কোনো আচরণবিধি লঙ্ঘন করি নাই।

৪। এজেন্ট নিয়োগ ও নিবন্ধনের জন্য প্রয়োজনীয় যোগ্যতা অনুযায়ী আমার যোগ্যতার প্রমাণসহ সমুদয় তথ্য প্রদান করিয়াছি। এমতাবস্থায় আমাকে নিয়োগ ও নিবন্ধন করে বীমা শিল্পে কাজের সুযোগ প্রদানের জন্য বিনীত অনুরোধ করিতেছি।

আপনার বিশ্বস্ত

আবেদনকারীর স্বাক্ষর

ফরম-২

[প্রবিধান ৩ (২) দ্রষ্টব্য]
বীমা এজেন্ট নিয়োগ পত্র

লাইফ

নন-লাইফ

বীমাকারী বা ব্রোকারের নাম ও ঠিকানা:
এজেন্ট কোড নম্বর.....

জনাব/বেগম/মিস

পিতা

মাতা.....

স্বামী/স্ত্রী.....

জাতীয় পরিচয়পত্র নম্বর.....

জন্ম নিবন্ধন সনদের নম্বর/ পাসপোর্ট

নম্বর.....

গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর

উপজেলা

জেলা কে

হইতে তারিখ পর্যন্ত এক বৎসর মেয়াদে লাইফ/নন-লাইফ বীমা ব্যবসায়ের বীমা এজেন্ট হিসাবে দায়িত্ব পালনের জন্য নিয়োগ ও নিবন্ধন প্রদান করা হইল।

তারিখ..... খ্রিষ্টাব্দ।

আবেদনকারীর ছবি ও নমুনা স্বাক্ষর

বীমাকারী বা ব্রোকার কর্তৃক

মনোনীত ব্যক্তির স্বাক্ষর

ফরম-৩

[প্রবিধান ৩ (৩) দ্রষ্টব্য]
বীমা এজেন্ট রেজিস্টার

ক্রমিক নং	এজেন্টের নাম ও ঠিকানা	মোবাইল নং	কোড নম্বর	NID No.	TIN No.	ব্যাংক হিসাব নং	যোগদানের তারিখ	লাইসেন্স নম্বর ও তারিখ	পূর্বে কর্মরত কোম্পানির নাম, কোড নম্বর, যোগদান ও অব্যাহতির তারিখ, অন্যান্য তথ্য (যদি থাকে)	বৎসর ডিক্রিক সংগৃহীত পলিসির সংখ্যা	বৎসর ডিক্রিক অর্জিত কমিশন	প্রশিক্ষণ সংক্রান্ত তথ্য	অন্যান্য তথ্য (যদি থাকে)

বীমাকারী বা রোকোর কর্তৃক মনোনীত ব্যক্তির স্বাক্ষর

ফরম-৪

[প্রবিধান ৫ (২) দ্রষ্টব্য]

বীমা এজেন্ট লাইসেন্সের জন্য আবেদন

লাইফ

নন-লাইফ

তারিখ:.....

বরাবর

চেয়ারম্যান

বীমা উন্নয়ন ও নিয়ন্ত্রণ কর্তৃপক্ষ

এসবিসি টাওয়ার (৯ম তলা), ৩৭/এ

দিলকুশা বা/এ ঢাকা-১০০০.

বীমাকারী বা ব্রোকারের নাম ও ঠিকানা:

এজেন্ট কোড.....

ইস্যু ও মেয়াদোত্তীর্ণের তারিখ.....

মহোদয়

১। বীমা এজেন্ট হিসাবে দায়িত্ব পালনের উদ্দেশ্যে আমাকে ৩ (তিন) বৎসর মেয়াদে লাইসেন্স প্রদানের জন্য বিনীত অনুরোধ করিতেছি। এতদুদ্দেশ্যে প্রয়োজনীয় তথ্যাদি নিম্নে প্রদান করিলাম:

(ক) নাম (বাংলা ও ইংরেজিতে):.....

(খ) পিতার নাম:

(গ) মাতার নাম:.....

(ঘ) স্বামী/স্ত্রীর নাম:.....

(ঙ) জন্ম তারিখ:

(চ) আবেদনের তারিখে বয়স:

(ছ) বর্তমান ঠিকানা:

(জ) স্থায়ী ঠিকানা: গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর উপজেলা জেলা

(ঝ) জাতীয়তা:

(ঞ) ধর্ম:

(ট) ৭২ (বাহাত্তর) ঘণ্টার প্রশিক্ষণ সনদ ও তারিখ:.....

(বীমাকারী বা ব্রোকারের প্রত্যয়নপত্র ও প্রশিক্ষণ সনদের ফটোকপি সংযুক্ত)

(ঠ) ব্যাংকের নাম ও হিসাব নম্বর:.....

(ড) শিক্ষাগত যোগ্যতা:(৯ম বা তদুর্ধ্ব গ্রেডের
গেজেটেড কর্মকর্তা/ উপজেলা চেয়ারম্যান/ওয়ার্ড কাউন্সিলর/ইউনিয়ন পরিষদের চেয়ারম্যান কর্তৃক
মূল সনদের সত্যায়িত ফটোকপি সংযুক্ত)

(ঢ) জাতীয় পরিচয়পত্র নম্বর.....(জাতীয় পরিচয়পত্রের
ফটোকপি সংযুক্ত)

(ত) জন্ম নিবন্ধন সনদের নম্বর/পাসপোর্ট নম্বর.....(জন্ম নিবন্ধন
সনদ/পাসপোর্টের ফটোকপি সংযুক্ত)

২। আমি এই মর্মে ঘোষণা করিতেছি যে, উপরে প্রদত্ত তথ্যাদি ও নিম্নে দেওয়া ঘোষণা সত্য এবং
অস্থায়ী নিয়োগ স্থায়ীকরণের জন্য যে আবেদন করিয়াছি তাহা কেবলমাত্র একই বীমা শ্রেণির বীমা
ব্যবসা অর্জন ও সংগ্রহের উদ্দেশ্যে ব্যবহৃত হইবে।

৩। পুনরায় ঘোষণা করিতেছি যে আমি—

(ক) প্রবিধান ১১ অনুযায়ী অযোগ্য নই;

(খ) কোনো বীমাকারী বা ব্রোকারের পরিচালনা পর্ষদের সদস্য, অফিস কর্মকর্তা বা কর্মচারী নই; এবং

(গ) প্রবিধান ১২ এ উল্লিখিত কোনো আচরণবিধি লঙ্ঘন করি নাই।

৪। বীমা উন্নয়ন ও নিয়ন্ত্রণ কর্তৃপক্ষের নামে ব্যাংক ড্রাফট/পে অর্ডার/অনলাইন পেমেন্ট এর মাধ্যমে
১৫০০/- (একহাজার পাঁচশত) টাকা জমাকরণের রশিদ সংযুক্ত।

আপনার বিশ্বস্ত

আবেদনকারীর স্বাক্ষর

ফরম-৫
[প্রবিধান ৫ (৩) দ্রষ্টব্য]
বীমা এজেন্টের লাইসেন্স

লাইফ

নন-লাইফ

বীমাকারী বা ব্রোকারের নাম ও ঠিকানা:
লাইসেন্স নম্বর.....

জনাব.....

পিতা.....

মাতা.....

স্বামী/স্ত্রী.....

জাতীয় পরিচয়পত্র নম্বর.....

জন্ম নিবন্ধন সনদের নম্বর/ পাসপোর্ট নম্বর.....

গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর

উপজেলা

জেলা.....কে.....হইতে.....

..... তারিখ পর্যন্ত ৩ (তিন) বৎসর
মেয়াদের জন্য লাইফ/নন-লাইফ বীমা ব্যবসায়ের এজেন্ট হিসাবে দায়িত্ব পালন করিবার জন্য
লাইসেন্স প্রদান করা হইল।

তারিখ..... খ্রিষ্টাব্দ।

আবেদনকারীর ছবি ও নমুনা স্বাক্ষর

কর্তৃপক্ষ কর্তৃক দায়িত্বপ্রাপ্ত

কর্মকর্তার স্বাক্ষর

ফরম-৬

[প্রবিধান ৮ (১) দ্রষ্টব্য]

বীমা এজেন্ট লাইসেন্স নবায়নের জন্য আবেদন

তারিখ:.....

লাইফ

নন-লাইফ

বরাবর

চেয়ারম্যান

বীমা উন্নয়ন ও নিয়ন্ত্রণ কর্তৃপক্ষ

এসবিসি টাওয়ার (৯ম তলা), ৩৭/এ

দিলকুশা বা/এ ঢাকা-১০০০.

বীমাকারী বা ব্রোকারের নাম ও ঠিকানা:.....

এজেন্ট কোড ও লাইসেন্স নম্বর:.....

লাইসেন্স ইস্যু ও মেয়াদোত্তীর্ণের তারিখ:.....

মহোদয়

১। বীমা এজেন্ট হিসাবে দায়িত্ব পালনের উদ্দেশ্যে আমাকে ৩ (তিন) বৎসর মেয়াদে লাইসেন্স নবায়নের জন্য বিনীত অনুরোধ করিতেছি। এতদুদ্দেশ্যে প্রয়োজনীয় তথ্যাদি নিম্নে প্রদান করিলাম:

(ক) নাম (বাংলা ও ইংরেজিতে):.....

(খ) পিতার নাম:

(গ) মাতার নাম:.....

(ঘ) স্বামী/স্ত্রীর নাম:.....

(ঙ) জন্ম তারিখ:

(চ) আবেদনের তারিখে বয়স:

(ছ) বর্তমান ঠিকানা:

(জ) স্থায়ী ঠিকানা: গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর উপজেলা জেলা

(ঝ) জাতীয়তা:

(ঞ) ধর্ম:

(ট) ৩৬ (ছত্রিশ) ঘণ্টার প্রশিক্ষণ সনদ ও তারিখ: (ফটোকপি সংযুক্ত)

(ঠ) ব্যাংকের নাম ও হিসাব নম্বর:.....

(ড) শিক্ষাগত যোগ্যতা: (৯ম বা তদুর্ধ্ব গ্রেডের

গেজেটেড কর্মকর্তা/উপজেলা চেয়ারম্যান/ওয়ার্ড কাউন্সিলর/ইউনিয়ন পরিষদের চেয়ারম্যান কর্তৃক মূল সনদের সত্যায়িত ফটোকপি সংযুক্ত)

২ (দুই) কপি পাসপোর্ট
সাইজের ছবি

(৯ম বা তদুর্ধ্ব গ্রেডের

গেজেটেড কর্মকর্তা/উপজেলা

চেয়ারম্যান/ওয়ার্ড কমিশনার/

ইউনিয়ন পরিষদের চেয়ারম্যান

কর্তৃক সত্যায়িত)

(ঢ) জাতীয় পরিচয়পত্র নম্বর.....(জাতীয় পরিচয়পত্রের ফটোকপি সংযুক্ত)

(ত) জন্ম নিবন্ধন সনদের নম্বর/পাসপোর্ট নম্বর.....(জন্ম নিবন্ধন সনদ/পাসপোর্টের ফটোকপি সংযুক্ত)

(থ) পূর্ববর্তী নিয়োগের তথ্য (যদি থাকে-ফটোকপি সংযুক্ত)

(অ) নিয়োগপত্রের নম্বর ও মেয়াদোত্তীর্ণের তারিখ:

(আ) লাইসেন্স নং ও মেয়াদোত্তীর্ণের তারিখ:

(ই) পূর্বের বীমাকারীর অব্যাহতিপত্র ও তারিখ:

(দ) (অ) সংগৃহীত বীমা পলিসির সংখ্যা—

(আ) এ যাবৎ প্রথমবর্ষ ব্যবসায় কমিশন আয়ের পরিমাণ-

(ই) কর্তনকৃত করের পরিমাণ-

(ঈ) নবায়ন প্রিমিয়াম সংরক্ষণের হার-

(উ) তামাদি পলিসির সংখ্যা-

(ঊ) পলিসি তামাদি হইবার কারণ- (প্রয়োজনে পৃথক কাগজে সংযুক্ত)

২। আমি এই মর্মে ঘোষণা করিতেছি যে, উপরে প্রদত্ত তথ্যাদি ও নিম্নে দেওয়া ঘোষণা সত্য এবং লাইসেন্স নবায়নের জন্য যে আবেদন করিয়াছি তাহা কেবলমাত্র একই শ্রেণির বীমা ব্যবসা অর্জন ও সংগ্রহের উদ্দেশ্যে ব্যবহৃত হইবে।

৩। পুনরায় ঘোষণা করিতেছি যে আমি—

(ক) প্রবিধান ১১ অনুযায়ী অযোগ্য নই;

(গ) কোনো বীমাকারী বা ব্রোকারের পরিচালনা পর্ষদের সদস্য, অফিস কর্মকর্তা বা কর্মচারী নই; এবং

(চ) প্রবিধান ১২ এ উল্লিখিত কোনো আচরণবিধি লঙ্ঘন করি নাই।

৪। বীমা উন্নয়ন ও নিয়ন্ত্রণ কর্তৃপক্ষের নামে ব্যাংক ড্রাফট/পে অর্ডার/অনলাইন পেমেন্ট এর মাধ্যমে ১০০০/- (একহাজার) টাকা জমাকরণের রশিদ সংযুক্ত।

আপনার বিশ্বস্ত

আবেদনকারীর স্বাক্ষর

ফরম-৭

[প্রবিধান ৮ (৩) দ্রষ্টব্য]

বীমা এজেন্টের লাইসেন্স নবায়ন

লাইফ

নন-লাইফ

বীমাকারী বা ব্রোকারের নাম ও ঠিকানা:
লাইসেন্স নম্বর.....

জনাব.....

পিতা.....

মাতা.....

স্বামী/স্ত্রী.....

জাতীয় পরিচয়পত্র নম্বর.....

জন্ম নিবন্ধন সনদের নম্বর/ পাসপোর্ট নম্বর.....

গ্রাম/ওয়ার্ড/মহল্লা/ইউনিয়ন/পৌরসভা/থানা.....

ডাকঘর

উপজেলা

জেলা.....কে.....

হইতে..... তারিখ পর্যন্ত ৩ (তিন)

বৎসর মেয়াদের জন্য লাইফ/ নন-লাইফ বীমা ব্যবসায়ের এজেন্ট হিসাবে দায়িত্ব পালন করিবার জন্য
লাইসেন্স নবায়ন করা হইল।

তারিখ..... খ্রিষ্টাব্দ।

আবেদনকারীর ছবি ও নমুনা স্বাক্ষর

কর্তৃপক্ষ কর্তৃক দায়িত্বপ্রাপ্ত

কর্মকর্তার স্বাক্ষর

ফরম-৮

[প্রবিধান ১৫ (২) দ্রষ্টব্য]

বীমাকারী বা ব্রোকার কর্তৃক ত্রৈমাসিক ভিত্তিতে প্রদেয়
বীমা এজেন্ট সংযোজন/ বিয়োজন/ অন্তর্ভুক্তি সম্পর্কিত প্রতিবেদন:

বীমাকারী বা ব্রোকারের নাম ও ঠিকানা:

ক্রমিক নং	এজেন্টের নাম ও ঠিকানা	কোড নং	সংগৃহীত পলিসির সংখ্যা	প্রিমিয়াম	সংযোজন/বিয়োজন/অন্তর্ভুক্তিকরণের তথ্য	মন্তব্য

বীমাকারীর বা ব্রোকার কর্তৃক
মনোনীত ব্যক্তির স্বাক্ষর

বীমা উন্নয়ন ও নিয়ন্ত্রণ কর্তৃপক্ষের আদেশক্রমে

ড. এম. মোশাররফ হোসেন

চেয়ারম্যান

বীমা উন্নয়ন ও নিয়ন্ত্রণ কর্তৃপক্ষ।

মোহাম্মদ ইসমাইল হোসেন, উপপরিচালক (উপসচিব), বাংলাদেশ সরকারী মুদ্রণালয়, তেজগাঁও, ঢাকা কর্তৃক মুদ্রিত।
মাকসুদা বেগম সিদ্দীকা, উপপরিচালক (উপসচিব), বাংলাদেশ ফরম ও প্রকাশনা অফিস, তেজগাঁও,
ঢাকা কর্তৃক প্রকাশিত। website: www.bgpress.gov.bd